

## На стиховне,

### глас 4: Подобен: Званный свыше:

**Восхваляют** лю́дие псалмы́,/ вкупе и пёсньми/ твою́ славную память,  
Геóргие,/ яко благолепна бо возсия и светоно́сна,/ украшена славою и  
благодáтию./ Тёмже играют ныне Ангельстии ч́ини,/ хвалят же мученицы со  
апóстолы/ твоих подвиг, мучениче, страд́ания/ и воспевают прославльшаго тя  
Спáса,/ Христа Бога нáшего.// Егоже моли спасти и просветити души нáша.

**Стих:** Праведник яко финикс процветет,/ яко кедр, иже в Ливане,  
умножится.

**Облечен** во Христово всеорúжие,/ обрелся еси, Георгие, не и́щущим тебé,/ ты́ бо, за Христа огнем распала́емь/ и ругаяся богов суетных безбожному  
сверéпству,/ тогда воинствую Царю моему́ Христу́,/ беззакóнным взывáл  
еси,/ ни зверие, ни колеса же, ни ина мýка/ мене разлучити возмо́гут когд́а/  
любв́е Христа́ моего́.// Егоже моли спасти и просветити души нáша.

**Стих:** Насаждени в дому Господни,/ во дворех Бога нашего процветут.

**Небрег** о сосудех многообразных/ и о различных мýках/ и о ору́жиях  
стра́шных/ венценосче Геóргие,/ благочестия мученически течение скончáл  
еси́,/ Тёмже пресветлую пáмьть твою́/ цветы песненными венча́ем/ и честныя  
твоя обლობызаем верою мóщи./ Но, я́ко престолу предстоя Влады́ки,/ Христа  
Бога нашего, моли́ти не престáй// спасти и просветити души нáша.

### Слава, глас тойже, самогласен:

**[Студитово]** Разумнаго адаманта терпéние,/ братие, духовно восхва́лим,/ Геóргия,  
славнаго мýченика,/ егоже, за Христа разжигáема,/ коваху беды, и  
изостриша мýки,/ и различная мучения изнуриша тело, естеством тлénно,/ побеждаше бо желáние естество́,/ смертью понуждая рачи́теля/ прейти к  
желаемому Христу́ Бо́гу// и Спасу душ нáших.

**И ныне, праздника.**

## На Благословении хлебов тропарь, глас 4:

**Яко** пленных свободитель/ и ни́щих защ́ититель,/ немощствую́щих вра́ч,/ православных побóрниче,/ победоносче, великомучениче Геóргие,/ моли́  
Христа Бо́га// спастися душáм нашим. **[дважды]**

**И Богородице Дево: единожды. И прочая.**

## На Утрени

на Бог Господь тропарь праздника дважды.

**Слава, святого:**

**Я**ко пленных свободитель,/ и нищих защититель,/ немощствующим врач,/ православных поборниче,/ победоносче, великомучениче Георгие,/ моли Христа Бога// спастися душам нашим.

**И ныне:**

**Е**же от века утаенное,/ и Ангелом несведомое таинство,/ Тобою, Богородице, сущим на земли явися Бог,/ в неслитном соединении воплощаемь,/ и Крест волею нас ради восприим,/ Имже воскресив первозданного,/ спасе от смерти души наша.

**Величание:**

**В**еличаем тя,/ святой великомучениче и победоносче Георгие:/и чтим честная страдания твоя,/ яже за Христа,// претерпел еси.

**Стихи:** Бог нам прибежище и сила. **Я**ко Тебе ради умерщвляеми есмь мы весь день. **П**роидохом сквозе огонь и воду, и извел еси нас в покой. **С**его ради не убоимся, вегда смущается земля. **Р**азжегл еси ны, якоже разжизается серебро.

**Степенна 1-й антифон, 4-го гласа.**

**Прокимен, глас 4:** Праведник яко финикс процветет,/ яко кедр, иже в Ливане, умножится.

**Слава:** Молитвами святого великомученика и победоносца Георгия/ милостивее очисти...

**И ныне:** Молитвами Богородицы...

**По 50-м псалме, глас 6:**

**Д**несь вселенная вся страстотерпца просвещается зарями,/ и Христова Церковь, цветы украшаема,/ Георгие, вопиет ти:/ угодниче Христов и заступниче теплый,// не престай моляся о рабех твоих.